

# Иже во святых отца нашего Алексія митрополита, всея Россіи чудотворца

(25 февраля, 2 июня н.ст.)

На Господи, возвах: стихіры на 8. Глас 5.

Радуйся, пречестный архиерее великий, Алексіе преблаженне,/ церковный красителю, святителей честное удобрение,/ народу православному молитвою помогая,/ земли Россійския великое утверждение,/ честный учителю наш,/ безпомощным помощи,/ печальным утешение радостное,/ молебниче теплый всем скорбящим,/ тьму неразумия отгоняя,/ и ко Христу во пристанища тихая притекл еси,/ в лице безплотных предстоя,/ и красныя доброты Владычни наслаждаешься,/ и сердца благочестивых на пение воздвигл еси./ Христу помолися/ даровати душам нашим мир и велию милость.

Радуйся, светило всея Россійския митрополии:/ ты бо добродетелию светло процвел еси,/ яко маслина плодовита в дому Божии,/ и, различные плоды износя,/ богато раздаваяши стаду твоему словесному/ и на пажитех духовных тучами твоих молитв напояеши,/ исцеления независтно источаеши/ верою притекающим к раце мощей твоих, святителю Алексіе./ Свещу светлу себе уготовал еси,/ и во обителях Небесных вселився,/ и трудов твоих воздаяния венцы приял еси,/ не дал бо еси сна очима твоима и веждома дремания,/ дондеже сном общим уснул еси./ Преподобне святителю, Христу помолися/ даровати душам нашим мир и велию милость.

Радуйся и веселися, Алексіе пресвященный,/ благодатный проповедниче, твердый уме,/ винограда животнога святопрозябший грозд, вино искапающий,/ верных сердца веселящее учении медоточными,/ святопомазанная глава,/ честный наш учителю,/ прииди, посети нас, озлобленных греховными страстьми,/ поганых дерзость низложи, противных прожени,/ усобныя брани укроти/ и болезни, и недуги всякия облегчи,/ Христу моляся/ даровати душам нашим мир и велию милость.

Радуйся, преславный граде Москва,/ красуйся и веселися,/ сицеваго имея благодати источника неисчерпаемаго,/ преблаженного и

чудоносіваго Алексія,/ святителя великаго,/ іже мудростию Святаго Духа украшшася/ и от юности добродетельнаго ради его жития/ сосуд Святому Духу быв пощени и молитвами;/ священства мастию помазася,/ исцеления дар приѣмша от всех Царя Христа Бога,/ и по святем его преставлении отрока, еле жива суща,/ материю принесена к честней его раце, здрава сотвори./ И до ныне источает исцеление неоскудно с верою приходящим,/ и Христу молится/ даровати душам нашим мир и велию милость.

## Ины стихиры, глас 2.

Кийми песенными добротами воспоем святителя,/ Христова уста тихая/ и Евангелия Его проповедника света,/ церковнаго хранителя и заступника земли Россійстей,/ верному воинству нашему поборника,/ Егоже молитвами шатания врагов Христос низложит,/ имей велию милость.

Кийми бодренными устнами похвалим святителя,/ Христовы Церкви красителя,/ Петра верховному ревнителя и Павлу наследника,/ нравы подобящая Крестителю,/ Петра чудотворца Россійскаго сопредстольника/ и лучи чудес испускающая обильно,/ исцеления подающая независтно всем, приходящим с верою/ и память его светло празднующим,/ великаго заступника земли Россійстей и учителя,/ Алексія, дивнаго чудотворца,/ и православным людям нашим теплаго пособника./ Егоже ради враги Христос низложит,/ имей велию милость.

Кийми украшенными глаголы воспоем святителя,/ дивнаго в чудесех Алексія,/ безплотным сожителя, освященнаго от пелен,/ столпа Церкви неподвижима,/ веселие земли Россійстей,/ правды правило, обидимым заступника,/ немощным врача безмездна./ Егоже ради дарова Христос Церквам соединение,/ имей велию милость.

## Слава, глас 6:

Святителей удобрение и отцев красоту,/ источника чудес,/ земли Россійстей заступника велика,/ сошедшее, о празднлюбцы, песенными похвалами воспоем, глаголюще:/ радуйся, Алексіе,/ твердый уме, благодатию истинною окроплен./ Отнюдуже и приятелище быв Пресвятаго Духа,/ чудес дар восприял еси./ И ныне, с первосвятители предстою престолу Христову,/ молися о рабех твоих.

И ны́не, Богоро́дичен: Кто Тебе́ не ублажи́т:

Та́же вход. Прокі́мен дне. Чтё́ния три.

### **Прі́тчей чтё́ние (гла́вы 10, 3 и 8):**

Па́мь прáведнаго с похвала́ми, и благослове́ние Госпо́дне на главе́ его́./ Блаже́н челове́к, и́же обре́те премúдрость, и сме́ртен, и́же уведет ра́зум./ Лу́чше бо сию́ купова́ти, не́жели злата́ и сребра́ сокрови́ща./ Честне́йшая же есть ка́мений многоце́нных,/ все́ же честное́ недостóйно ея́ есть./ Долготá бо дней и ле́та живота́ в десни́це ея́,/ в шу́ице же ея́ богáтство и сла́ва./ От уст ея́ исхо́дит пра́вда, зако́н же и ми́лость на язы́це но́сит./ Послу́шайте у́бо мене́, о ча́да, честна́я бо ре́ку,/ и блаже́н челове́к, и́же пу́ти моя́ сохра́нит:/ исхо́ди бо мой, исхо́ди живота́, и уготовля́ется хоте́ние от Го́спода./ Сего́ ра́ди молю́ вас и предлага́ю мой глас сыно́вом челове́ческим,/ я́ко аз, премúдрость, устро́их сове́т/ и ра́зум, и смы́сл аз призва́х./ Мой сове́т и утвержде́ние, мой ра́зум, моя́ же кре́пость./ Аз мене́ лю́бящая люблю́, и́щущии же мене́ обря́щут благода́ть./ Разуме́йте у́бо, незло́бивии, кова́рство, ненака́занныи же, прилагáйте серде́ц./ Послу́шайте мене́ и па́ки, честна́я бо ре́ку,/ и отве́рзу от усте́н пра́вая, я́ко и́стине поучи́тся горта́нь моя́,/ ме́рзки же предó мно́ю устны́ лжи́выя./ С пра́вдою вси глаго́лы уст мои́х:/ ничто́же в них стро́потно, ниже́ развра́щенно./ Вся пра́ва суть разумева́ющим и про́ста обрета́ющим ра́зум./ Науча́ю бо вас и́стине,/ да бу́дет о Го́споде наде́жда ва́ша,/ и испо́лнитеся Ду́ха.

### **Прі́тчей чтё́ние (гла́вы 10 и 11):**

Уста́ прáведнаго ка́плют премúдрость, язы́к же непра́веднаго поги́бнет./ Устне́ муже́й прáведных ка́плют благода́ти, уста́ же нечесті́вых развра́щаются./ Ме́рила льсти́вая — ме́рзость пред Го́сподем, вес же прáведный прия́тен Ему́./ Иде́же а́ще вни́дет досажде́ние, та́мо и безче́стие,/ уста́ же смире́нных поуча́ются премúдрости./ Соверше́ние пра́вых наста́вит их, и поползнове́ние отрица́ющихся упасе́т их./ Не по́льзуют и́мения в день я́рости, пра́вда же изба́вит от сме́рти./ Умер прáведный, оста́ви раская́ние, нару́чна же бывáет и посмея́тельна нечесті́вых па́губа./ Пра́вда непоро́чнаго исправля́ет пу́ти, в нече́стие же па́дает непра́вда./ Пра́вда муже́й пра́вых изба́вит их, безсо́ветием же пленя́ются беззакóннии./ Сконча́вшися му́жу прáведну, не поги́бнет наде́жда,/ похвала́ же нечесті́вых поги́бнет./ Пра́ведник от ло́ва убе́гнет,

вмѣсто же егѡ предаѣтся нечестѣивый./ Во устѣх нечестѣивых сеть гражданом, чѹвство же прѣведных благопоспѣшное./ Во благѣх прѣведных исправится град, и в погѣбели нечестѣивых рѣдование./ Во благословѣнии прѣвых возвысится град, усты же нечестѣивых раскопаѣтся./ Ругаѣтся гражданом лишѣнный рѣзума,/ муж же мѹдрый безмѡлвие вѡдит.

#### **Премѹдрости Соломѡни чтѣние (глава 4):**

Прѣведник аще постѣгнет скончѣтися, в покое бѹдет./ Стѣрость бо честна не многолѣтна, ниже в числѣ лет исчитѣется,/ седѣна же есть мѹдрость человеком, и вѡзраст стѣрости – житѣе нескверное./ Благоугоден Бѡгови быв, возлюбен бысть и живѣй посреде грѣшник прѣставлен бысть./ Восхищен бысть, да не злоба изменѣт рѣзума егѡ, или лѣсть прельстѣт дѹшу егѡ./ Рачѣние бо злобы помрачѣет дѡбрая и парѣние пѡхоти пременяет ум незлобив./ Скончѣвся в малѣ, исполни лѣта дѡлга,/ угодна бо бе Гѡсподеви дѹша егѡ,/ сего рѣди потщася от среды лукавствия./ Лѹди же вѣдевше, и не разумеvше,/ ниже положше в помышлѣнии таковѡе,/ яко благодѣть и мѣлость в преподѡбных Егѡ/ и посещѣние во ѣзбранных Егѡ.

#### **На литѣи стихѣра свѣтаго, самогласна. Глас 8:**

Преподѡбне ѡтче, свѣтителю Алексѣе,/ аще кѣя страна или кий град молчит,/ но вси, ѣже тобою просвещѣнии,/ чудес твоѣх мнѡжество слѣшаще и вѣдяще,/ и мы с нѣми похвѣльными пѣсньми вопѣем и глаголем:/ благодѣтию Пресвѣтаго Дѹха Христѡвым апѡстолом подѡбник был еси/ и вселѣнную всю просвещѣвши,/ тѣмже и до царѣ доидѡша словеса чудес твоѣх, яко лучѣ,/ и дальным яко близ сияющѣ./ И нас от бед и находящих лют свободѣ твоѣми молѣтвами.

#### **На стихѡвне стихѣры, глас 2.**

Дом Свѣтаго Дѹха/ и вселѣние благодѣти/ Алексѣй явѣся:/ и ныне, в пѣмѣть егѡ сошѣдшесѣ,/ того воспоѣм.

**Стих: Восхвалятсѣ преподѡбнии во славе/ и возрадуютсѣ на лѡжах своѣх.**

Ты еси́ святителем похвалá,/ священником удобре́ние,/ мона́хом пра́вило,/ и мы ти вопие́м, святителю Алексе́е:/ ра́дуйся, Це́ркве утвержде́ние.

**Стих: Священницы Твой облеку́тся в пра́вду,/ и преподо́бнии Твой возра́дуются.**

Приими́ ны́не пе́ние/ ча́д твои́х, о́тче,/ ве́рою пра́зднующих,/ и лю́бящим тя подава́й/ я́же на по́льзу проше́ния.

Сла́ва, глас 6. Самогла́сен:

Благый ра́бе,/ ве́рный де́лателью виногра́да Христо́ва,/ ты и тяготу́ дневну́ю понёсл еси́,/ ты и да́нный ти тала́нт возрасти́л еси́/ и по тебе́ прише́дшим не зави́дел еси́./ Те́мже врата́ Небе́сная отверзо́шася тебе́:/ вни́ди в ра́дость Го́спода твоего́/ и моли́ о нас, свя́те Алексе́е.

И ны́не: Творе́ц и Изба́витель:

На благослове́нии хлебов тропа́рь свята́го два́жды и Богоро́дице Де́во: еди́ножды.

**Тропа́рь, глас 8:**

Я́ко апо́столом сопресто́льна,/ и врача́ предобра, и служи́теля благоприя́тна,/ к раце твоёй честне́й притека́юще, святителю Алексе́е, Богому́дре чудотворче,/ соше́дшеся, лю́бовию в па́мь твою́ светло́ пра́зднуем,/ в пе́снях и пе́ниях ра́дующеся и Христа́ сла́вяще,/ такову́ю благода́ть тебе́ дарова́вшего исцеле́ний/ и гра́ду твоему́ вели́кое утвержде́ние.

Ин тропа́рь, глас 4:

Апо́стольских до́гмат опа́сна храните́ля,/ Це́ркве росси́йския па́стыря и учи́теля,/ преблаже́ннаго Алексе́я святителя па́мь пра́зднующе,/ славосло́вим Христа́ Бо́га на́шего пе́снями достодо́лжными,/ дарова́вшего нам уго́дника Своего́,/ я́ко оби́льный исто́чник, то́чащ врачевáния,/ гра́ду же Москве́ похвалу́ и утвержде́ние.

## **Ин тропáрь, глас 8:**

**Я́ко светонóсная возсия́ днесь пáмять тво́я, сла́вне,/ вѣрных  
озаря́ющи ду́ши и телеса́,/ и исцелѣ́ния струй́ Богоприятными ти  
моли́твами источáеши,/ óтче святителю́ Алексі́е,/ Тѣмже ты мо́лим,  
я́ко архиере́ом сопрестóльна и чудодѣ́йственника изря́дна,/ ѿже  
Христову́ Престóлу предстоя́й,/ о нас не оскудева́й моля́ся спасти́ся  
душа́м на́шим.**

Сла́ва, и ны́не, Богоро́дичен.

## **На у́трени**

### **По стихоло́гии седа́лен, глас 8:**

На́ста светонóсный день: чудотво́рца, архиепи́скупа Алексі́я  
па́мять,/ прииді́те, соше́дшеся, прáзднуем светлó и соста́вим ли́ки,  
похвала́ми почт́им егó и рцем е́му:/ ра́дуйся, честный светі́льниче  
Россі́йския землі́,/ источáеши бо чудеса́, и излива́еши исцелѣ́ния,/ и  
мо́лишися о душа́х на́ших.

Сла́ва, и ны́не, Богоро́дичен:

Да Твой па́ки сози́ждеши о́браз, истлѣ́вший страстьми́, Спа́се,  
Небе́сных утаився су́ществ, воплоті́лся еси́ от Дѣвы,/ Ё́йже согла́сно  
возопі́ем:/ ра́дуйся, Благода́тная, Госпо́дь с Тобо́ю.

### **По полиелѣи седа́лен, глас 8.**

Проповѣ́дует, óтче, тво́я чудеса́ ны́не Россі́йская митропо́лия/ и вся  
оте́чества и страны́ чудодѣ́йствія,/ ѿмиже вся от болѣ́зней ско́рбных  
избавля́вши,/ Богоблаже́нне Алексі́е,/ пита́телю вдов и сирóт отецъ,  
помóщник сущим в ско́рби всеизря́ден,/ пла́чущим утешѣ́ние, па́стырь и  
наста́вник всем заблужда́ющим,/ Алексі́е преподо́бне./ И нас тво́ими  
моли́твами от бед изба́ви/ и моли́ся Христу́ Бо́гу,/ да грехо́в оставле́ние  
пода́ст ве́рою и любóвию чту́щим святу́ю пáмять твою́.

Сла́ва, и ны́не, Богоро́дичен:

Ра́дуйся, А́нгелом ра́дость ми́ра приѣмшая;/ ра́дуйся, ро́ждшая  
Творца́ Твоего́ и Го́спода;/ ра́дуйся, сподо́бльшаяся бы́ти Ма́ти Бо́жия.

Та́же степённа, 1-й антифён 4-го гласа. **Прóкимен, глас то́йже:**  
**Честна́ пред Го́сподем/ смерть преподо́бных Его́.** Стих: Что возда́м  
Го́сподеви о всех,/ я́же воздаде́ ми? Вся́кое дыха́ние: Ева́нгелие от Иоáнна,  
за́чало 36. Та́же псалом 50.

### **По 50-м псалме́ стихира, глас 6:**

Неизда́ема есть благода́ть святите́ля Алексі́я,/ ю́же при́ят от всех  
Христá Бо́га,/ тем и честны́я его́ мо́щи Бо́жиею си́лою вѣну содевают  
чудеса́/ и всех, вѣрою призыва́ющих і́мя его́, от неисцельных недуг  
изменя́ют./ Его́же моли́твами, Го́споди,/ христолю́бным людем  
посо́бствуй на враги́/ и належа́щих скорбе́й душе́вных и теле́сных  
свободи́,/ я́ко Человеколю́бец.

### **Канон Богоро́дицы, со ирмосом на 6, и свята́го на 8. Глас 8.**

#### **Песнь 1**

Ирмо́с: Колесни́цего́нителя фарао́ня погрузи́/ чудотвори́й иногда́/  
Моисе́йский жезл, крестообра́зно порази́в/ и раздели́в мо́ре,/ Изра́иля же  
беглеца́, пешехо́дца спа́се,/ песнь Бо́гови воспева́ющая.

Колесни́цею благода́ти Твое́й, Го́споди, возвы́си на́ша помы́слы от  
до́льних на Го́рняя/ и сподо́би восхвали́ти уго́дника Твоего́, святите́ля  
Алексі́я,/ песнь Тебе́, Бо́гу, воспева́ющая.

Колесни́цею ходата́йств твои́х/ ум наш, отягче́нный житѣ́йскими  
печа́льми, возвы́си от земны́х к Небе́сным/ и наста́ви восхвали́ти тя  
достойно, о́тче Алексі́е,/ песнь побѣ́дную Бо́гу воспева́ющая.

Колесни́цу го́рдости ми́ра сего́ превозше́л еси́ смире́нием,/ и, взем  
крест твой, послéдовал еси́ Христу́ добро́тами,/ и, во приста́нище  
го́рняго селе́ния дости́г,/ песнь Бо́гу побѣ́дную воспева́еши.

Колесни́цею добродѣ́телей, я́ко Илі́я о́гненною, возше́л еси́ на  
Не́бо,/ отону́дуже моли́ Бо́га низпосла́ти я́ко ми́лость благода́ть Ду́ха,/ у́чащую ны песнь побѣ́дную Бо́гу воспева́ти.

Богоро́дичен: Колесни́ца огнеобра́зная, носив́шая Бо́га Сло́ва,/ во  
чре́ве Твое́м воплоще́ннаго,/ моли́ Его́ приле́жно спасти́ся рабо́м Твои́м,/ к Тебе́ притека́ющим и побѣ́дную песнь Бо́гу воспева́ющим.

Ин канон. Творение иеромонаха Епифания Славиницкаго, Феолога, живша во обители его. Глас 4.

### Песнь 1

Ирмос: *Поим, людие, дивно чудодéйствивавшему/ в Чермнѣм мѣри Христу́ Бо́гу,/ яко дре́вле Изра́иля всевооружѣна/ стопами пешешествовати непроходную сотвори/ и злѣбы делодателя фараона во глубинѣ потопи.*

Богоси́тельными Триипоста́снаго Свѣта зарями Боговѣдно озарѣнный,/ златоза́рный свети́льниче церко́вный, Богомудре Алексіе, мо́лим тя:/ светно́сными твои́х моли́тв луча́ми в достоле́пую твою́ похвалу́/ просвети́ ум тя хвалящих.

Хриstopодража́тельный а́нгеле земный,/ Богомы́сленный Небесным А́нгелом собесѣдниче,/ Боговенча́нный а́дских а́нгел победителю,/ удостоивыйся зрети вели́каго совета́ А́нгела, Бо́га воплоще́нна,/ треблаже́нне Алексіе, мо́лим тя:/ твоими Боговнуша́емыми моля́бами изба́ви ны от душевредных прилог а́дских.

Горьководною душетлѣнных прегрешѣний бурѣю потопляеми,/ к тебѣ, яко досточудну вла́ющагося моря́ утишителю, прибегающе, вопием:/ свя́те Алексіе, твоими Богоугодными моли́твами утиши́ волну́ющееся страсте́й на́ших море.

Богородичен: Светоно́сный облаче, одожди́вый нам дождь Небесный, воплоще́нное Сло́во Божие,/ Богороди́тельнице Де́во, небо́тною Твоего́ благоутрѣбиа водо́ю/ погаси́ огнепа́льный вредоно́сных страсте́й на́ших пламень.

### Песнь 3

Ирмос: *Небеснаго круга́ Верхотворче Го́споди,/ и Це́ркве Зиждителю,/ Ты мене́ утверди́ в любви́ Твое́й,/ желаний кра́ю, ве́рных утвержде́ние,/ Еди́не Человеколю́бче.*

Небеснаго круга́ и всея́ твѣри Го́сподь,/ предвѣдый тя, ѡ́тче Алексіе, бу́дуща па́стыря добра́,/ ввѣри тебѣ па́ству словесную, яко Еди́н Человеколю́бец.



Небёснаго кру́га возлюбѣв Творца́,/ постомъ облегчѣн, страстѣй мо́ре  
прешѣл еси́ и, на безстра́стия верхъ добродѣтельницами возшѣд,/ Бо́га узрѣл  
еси́, Еди́наго Человеколю́бца.

Небёснаго кру́га на высотѣ возшѣд Богоразу́мием,/ уви́дел еси́ у́мно  
та́мо неизрече́нная/ и при́ял еси́ даръ чудотворѣ́ния от Бо́га  
Човеколю́бца.

Богоро́дичен: Небёснаго кру́га Верхотво́рца, хотя́ща родѣ́тися из  
Тебе́, Пречи́стая, возвести́ Тебе́ Гаври́ил:/ ра́дуйся, Де́во, Госпо́дь с  
Тобо́ю, Еди́н Человеколю́бец.

## Ин

Ирмо́с: *Да не хва́лится му́др хваля́йся,/ но о се́м е́же разумева́ти,/ я́ко несть свят, я́ко Богъ наш,/ вознося́й рогъ наш,/ да́й крѣ́пость ца́ремъ на́шим.*

Тя, Богому́дра ко́рмчия,/ Небёснымъ сло́ва Бо́жияго ко́рмилкомъ  
Богохра́нимый кора́бль Росси́йскаго Це́ркви/ к благодѣ́льному вѣ́чному  
жизни́ пристанищу́ пра́ве ко́рмитьствова́вша, блажа́ще, мо́лим:/  
всече́стне Алексе́е,/ к благове́дрой покая́ния ти́шине ко́рмитьству́й ду́ши  
на́ша.

Душеспа́сительну́ всемо́щнаго мо́ря Творца́ за́поведь благопоспѣ́шно  
сохра́нѣша/ и бу́рная вла́ющагося мо́ря трево́лнѣния моли́твою  
ути́шивша,/ тво́имъ чуде́йствительнымъ предста́тельствомъ ути́ши  
волну́ющуюся скорбе́й на́шихъ бу́рю.

Златото́чная реко́ Бо́жия, Небёсными́ Ева́нгельскаго уче́ния вода́ми/  
Богоса́ждѣнный Це́ркве Росси́йскаго ра́й наводни́вшая оби́льно,/  
досточу́дне Алексе́е,/ небо́точною духо́внымъ ра́дости стру́ею на́пай  
скорба́ющія ду́ши на́ша.

Богоро́дичен: В Богозда́нномъ Богосло́вяще Це́ркве апо́стольския  
Не́бе,/ к Тебе́, светонóсному незаходи́маго Со́лнца Не́бу, прибега́ем,  
вопи́юще:/ Всепѣ́тая Де́во, Твое́ю Небёсно́ю по́мощию помози́ нам,/ Тя  
блажа́щим, в Небёсная вселѣ́тися жили́ща.

## Седáлен, глас 4:

Благово́нною сло́ва Бо́жияго па́житию/ словéсную па́ству Христо́ву  
Богоу́годно воспитáнную,/ па́стырским Богодухóвным испрaвлéния  
жезлóм/ на прáвую спасéния стезю́ путево́дствив я́ко до́брый па́стырь,/  
удосто́ился есѣ нетлénну вéчныя жѣзни мзду воспрѣяти/ в Гóрнем Сиóне  
от Пастыреначáльника Христа́ Бо́га./ Егóже моли́, досточúдне Алексѣе,/  
нам, твоѣм óвцам словéсным, сохранѣ́тися от невидѣмых волкóв  
хищных.

## Слáва, глас 8:

Дúхом Божéственным помáзася верх твой свящénный, архиерее  
Алексѣе,/ и снѣде на тя бláгодать богáтно,/ и пребысть, я́ко мѣро, на  
главѣ сходя́щее на брадú, брадú Аáроню,/ и сходя́щая, я́ко росá  
аермо́нская,/ и ороша́ющая кáплями благоде́яний твоѣх притека́ющия к  
ра́це мощѣй твоѣх/ и зовúщия тебѣ усérдно:/ óтче преподóбне, моли́  
Христа́ Бо́га/ грехóв оставлénие даровáти/ чтúщим достóйно святúю  
пáмять твою́.

## И ны́не, Богорóдичен:

Повелénное тáйно приѣм в рáзуме,/ в крóве Ио́сифове тщáнием  
предста́ безплóтный,/ глаго́ля Неискусобра́чней:/ приклонѣ́вый  
схождénием Небéса вмещáется неизмénно весь в Тя,/ Егóже и вѣдя в  
ложесна́х Твоѣх, приѣмша ра́бий зрак,/ ужасáюся звати Тебѣ:/ рáдуйся,  
Невéсто Неневéстная.

## Песнь 4

Ирмо́с: Ты моя́ крѣпость, Го́споди,/ Ты моя́ и сѣ́ла,/ Ты мой Бог, Ты  
моѣ рáдование,/ не оста́вль нѣдра́ О́тца/ и на́шу нищету́ посетѣ́в./ Тем с  
проро́ком Авва́кумом зовú Ти:/ сѣ́ле Твоѣ́й сла́ва, Человеколю́бче.

Ты моя́ крѣпость, Го́споди, Ты моя́ и сѣ́ла, – вопия́, óтче Алексѣе,  
приѣл есѣ́ дар/ телéсныя недúги целѣ́ти и лука́выя дúхи отгоня́ти от  
зовúщих Христú:/ сѣ́ле Твоѣ́й сла́ва, Человеколю́бче.

Ты есѣ́ светѣ́ло Россѣ́йския земли́ и гра́ду Москвѣ́ стена́ нерушѣ́ма,/  
на врагѣ́ же победѣ́тель,/ и христоименѣ́тым людем во бранех посóбник,/  
зовúщим Христú:/ сѣ́ле Твоѣ́й сла́ва, Человеколю́бче.

Ты Богослѡвил еси Единицу несозданную,/ в Трѣх Лицах сущую,  
несливаему же и нераздельну,/ воумляя паству твою, ѡтче Алексіе,  
непрестанно звати:/ силе Твоей слава, Человеколюбче.

Богородичен: Ты моя крѣпость еси воистинну и спасѣние,  
Богородице,/ и на Тя надежду мою возложих,/ спаси мя, Дѣво Чистая, и  
укрепи рождшемуся из Тебѣ звати:/ силе Твоей слава, Человеколюбче.

## Ин

Ирмос: *Гласом благоглаголивым предразумѣв, Аввакум/ зряще Слѡва  
воплощѣние и взываше яве:/ слух услышах Бѡжия совѣта,/ Бог бо  
непреложно Человѣком возбесѣдует,/ из горы грядый Дѣвственнаго  
чрева/ и мир избавляя/ началорѡдныя клятвы.*

Богосодѣянною смиренномудраго исправлѣния мрежею/ неисчѣтное  
рыб словесных множество Богопоспѣшно уловлей,/ Богомудрый ловче,  
досточудный Алексіе,/ Богокованною предстательства твоего удицею  
извлекы ны из глубокія зол многих пучины.

Небесным слѡва Бѡжия врачевством/ душетлѣнныя  
уврачевствовавый людских грехопадѣний язы/ и Богоустроѣнным  
крѡткаго наказанія пластырем умоврѣдныя исцѣливыи раны,  
безмѣздный целителю, досточудный Алексіе, молим тя,/ исцели  
душеврѣдныя грехѡв наших струпы.

Благоплодовѣтое Богонасажденнаго сада древо,/ благовѡнныя  
прозябшее достохвальных исправлѣний плоды/ и плодоносныя  
простѣршее к Нѣбу Боговнушимых молѣний вѣтви,/ всечудне Алексіе,  
молим тя:/ Богорасленным твоего покрова листвием/ осенѣ ны от  
вредоноснаго лютых бед жѣга.

Богородичен: К Тебѣ, златозарная Свѣта Невѣчерняго зарѣ,  
Богородительнице Дѣво, прибегаем, вопиюще:/ светозарным Твоего  
защищѣния сияніем разреши темнозрачен ѡблакъ печалей наших.

## Песнь 5

Ирмос: *Вскую мя отринул еси/ от лица Твоего, Свѣте Незаходимый,/ и  
покрыла мя есть чуждая тьма, окаяннаго?/ но обрати мя и к свѣту  
завѣдѣй Твоих/ пути моя направи, молюся.*

Вскую противнии ополчаются на ны, имущия тя крепка поборника?/  
Ты, отче Алексіе, дерзость их низложи и воинство наше молитвою  
твоёю страшно им покажи.

Вскую унываем, согнетаемии множеством печалей,/ имуще  
скорбных утешителя – святителя Алексія,/ избавляюща ны от бед и  
скорбей наших/ и от враг видимых же и невидимых?

Вскую, отче Алексіе, телесныя немощи находят на ны, и беды  
окружают ны,/ врача тя имущия в болезнях и утешителя в скорбях?/  
изми убо ны от сих молитвами твоими.

Богородичен: Вскую обуревают мя волны страстей,/ кормчия Христа  
рождающая, Дево Всенепорочная?/ Ты Его моли сих исхитити мя/ и к стези  
заповедей Его пути моя управити, молюся.

## Ин

*Ирмос: Нощеборимых страстей тмением/ к Тебе утренюю,  
Единому Благоутробному,/ души моея мглу просвети и узы пресеки  
долгов моих,/ яко да Твоим Соприсносущим Духом просвещаемь/  
правды путь нетленный обрящу повелений Твоих.*

Словесную паству Христоу благовонным Евангельскаго учения  
злаком Богоугодно воспитавый/ и на правый Христоподражательнаго  
жития путь Боголепно наставляй, пастырю добрый,/ всеблаженне  
Алексіе, молим тя:/ твоими молитвами настави ны на правую заповедей  
Божиих стезю.

Богозданный Духа Святаго сосуде, чистым любве Божия златом  
Боголепно позлащенный,/ Богомудре отче Алексіе,/ раждеженным слова  
Божия серебром чада твоя обогащай обильно, молим тя:/ твоими  
молитвами подаждь нам Небесное Божия благодати богатство.

Богонаначальному премирных умов лику сообщенный/ и  
Богосиятельными Триипостаснаго Света зарями Боговидно озаренный,/  
уме Богомудрый, священноначальниче Алексіе,/ Небесною  
Богооткровенныя ти мудрости лучею просвещай свыше мрачныя умы  
наша.

Богорóдичен: Богорáсленный грозд, воплощённое Сло́во Бо́жие прозя́бшая,/ Богосаждённая лозó, Всенепорóчная Дéво, мо́лим Тя:/ благово́нным Бо́жия благода́ти вино́м напáй жа́ждущия ду́ши на́ша.

## Песнь 6

Ирмо́с: *Очи́сти мя, Спа́се,/ мно́га бо беззакóния моя́/ и из глубины́ зол возведи́, молю́ся,/ к Тебе́ бо возопи́х, и услы́ши мя,/ Бо́же спасéния моего́.*

Очи́сти ны, Спа́се, от мно́гих грехóв на́ших/ и болéзни отжени́ моли́твами святитeля Твоегó Алексiя,/ и мир Церквám Твои́м подаждь и соединéние.

Очи́сти сердцá на́ша и мы́сли ходáтайствы твои́ми, óтче,/ и, прии́м от нас приносíмая тебе́ моли́твы,/ испроси́ у Христá обрести́ нам велию́ ми́лость.

Очи́стив сёрдце твоё, óтче Алексiе,/ и трость языка́ твоегó изостри́в Ду́хом,/ написáл еси́ в сердца́х вёрных сло́во Богоразу́мия учéными твои́ми.

Богорóдичен: Очищё́нну Тя Ду́хом, Всенепорóчная, Арха́нгел Гавриiл позна́в,/ зовяще Тебе́:/ ра́дуйся, Дéво Мари́е, па́дших воззва́ние и кля́твы разрешéние.

## Ин

Ирмо́с: *Из чре́ва áдова во́пля моего́ услы́шал еси́ глас мой/ и возвёл еси́ от тли бу́ри прегрешéний,/ обдержи́т бо, Спа́се,/ и погружа́ти искуша́ет, Бла́же:/ но я́коже прéжде Ио́ну возвёл еси́ от тли́,/ и мене́, молю́ся, Го́споди,/ предвари́в, спаси́.*

Златоза́рная Росси́йская звездó,/ светонóсными равноапóстольских исправлéний заря́ми/ Богозда́нное Цéркве Бо́жия Не́бо озари́вшая светлó/ и темномра́чну ва́рварских наве́тов мглу разре́шшая Богопоспéшно,/ всеблаже́нне Алексiе,/ разреши́ те́мен напáстей вра́жиих о́блак.

В Боголе́пную Невещéственнаго Бо́га сла́ву/ веще́ственныя хра́мы Бо́жия Боготща́тельно созда́вый,/ мы́сленный хра́ме Бо́жий, Богоносе Алексiе, мо́лим тя,/ Богоугóдными твои́ми мольба́ми Богоприе́мный храм Бо́жий сози́жди сердцá на́ша.

Пагуборóдное гóрдаго кичéния тёрние истóргнувый/ и доброрáсленныя смиреномúдраго Богомýслия лёторасли Богопоспéшно возрастíвый,/ благоплодовíтый Небéснаго сада кóреню, всечúдне Алексíе,/ насади́ в сердца́х на́ших Богорастíтельный Богоугóднаго смирénия кóрень.

Богорóдичен: Всемóщнаго морскíх треволнénий утишíтеля,/ воплощённое Сло́во Бóжие рóждшая,/ Богорóдице Дéво,/ Небéсною Твоегó застúпничества тишино́ю/ многобúрную утиши́ скорбéй на́ших молвú.

### Конда́к, глас 8.

**Божéственнаго и пречестна́го святíтеля Христóва,/ нóваго чудотвóрца Алексíя,/ вёрно вси пою́ще, лю́дие, любóвию да ублаж́им, я́ко па́стыря вели́каго,/ служíтеля же и учíтеля премúдра земли́ Россíйстей./ Днесь, в па́мять егó прите́кше,/ ра́достно возопи́ем песнь Богоно́сному:/ я́ко имéя дерзновéние к Бóгу,/ многообра́зных нас изба́ви обстоя́ний, да зове́м ти:/ ра́дуйся, утверждéние гра́ду на́шему.**

### Йкос:

Дíвнаго и пречестна́го чудотвóрца вíдяще чудеса́,/ исцелénия подава́юща всем, от душí с вéрою притека́ющим,/ и Христóвы лю́ди невидíмо посещáюща,/ и зéмлю Россíйскую просвещáюща,/ ра́достно от душí вси, вкúпе сошédшеся к раце мощéй егó,/ слы́шаще же и вíдяще чудес́ мно́жество и истóчник исцелénий неисчерпа́емь,/ чíстыми сердцýи и просвещ́енными рáзумы, я́ко благоухáнно кади́ло,/ плоды́ добродéтельны от душí принося́ще/ и ра́дующеся, воззовéм ему́, глаго́люще:/ ра́дуйся, óтче, честный наш учíтелю,/ я́ко прия́л еси́ трудóв тво́их воздая́ние/ и в Вы́шних водворя́ешися, о нас моля́ Человеколю́бца Бóга./ Чудес́ дар прия́л еси́,/ земли́ Россíйстей отéц и учíтель,/ и святíтелем изря́дная похва́ла,/ и во́инству на́шему во бранéх посóбник крéпок./ Ра́дуйся, святíтелю Алексíе, гра́ду на́шему утверждéние.

### Песнь 7

Ирмós: *От Иудéи дошédше, óтроцы/ в Вавилóне иногдá,/ вéрою Трóйческою пла́мень пéщный попрáша, пою́ще:/ отцéв Бóже, благословéн еси́.*

От Иудеи отроком поревновав, огнепальныя страсти угасил еси,/ Христу присно поя, блаженне Алексие:/ отцев Боже, благословен еси.

От Иудеи отроки подражал еси,/ живущею бо в тебе Духа благодатию просвещься,/ воспел еси Христу:/ отцев Боже, благословен еси.

От Иудеи отроком ревнуем,/ видяще мочи твоя чудоточащая, любовию распаляеми, Христу зовем:/ отцев Боже, благословен еси.

Богородичен: От Иудеи отроцы Твое прообразиша Рождество, Дево Всечистая,/ огонь бо в пещи не опали их, поющих:/ отцев Боже, благословен еси.

## Ин

Ирмос: *Тя живописующий ассирийский пламень/ юноши три спасе, Господи,/ якоже и Деву не опали Отроковицу,/ в Божественном Рождестве Твоем Божественная искра:/ препетый отцев Боже, благословен еси.*

Тя, яко от Небеснаго врача дар исцеления туне приѣмша,/ тако вредоносныя к тебе прибегающих язѣ туне исцеливша,/ усердно молим, врачу безмездный, архиерее Алексие:/ Небесною твоих молеб цельбою исцели лютыя недуги душ и телес наших.

Боготканная православнаго благочестия ризо,/ многоценными превеликих добродетелей бисерми Боголепно удобрѣная,/ всехвальне Алексие, моли светом одеяющаяся Бога/ в светлую вечныя жизни ризу одеяться душам нашим.

Трудолюбный Богосаженнаго сада делателю,/ благовонную досточудных исправлений кассию насадивши/ и Богорасленную постническаго воздержания смирену в Боголюбивом сердца твоѣм вкоренивый,/ святе Алексие,/ Неботочную защищения твоего стакту излей на любящая тя сердца наша.

Богородичен: От Богосиятельнаго Правды Солнца/ Богооткровенно паче умов премьрных озаряема,/ светозарная луно,/ Всенепорочная Дево,/ светоносною Твоея благодати лучею мрачная просвети сердца наша.

## Песнь 8

Ирмós: Царя Небésнаго,/ Егóже пою́т вои А́нгельстии,/ хвали́те и превозно́сите во вся ве́ки.

Царя Небésнаго хвали́ти учíл еси́ па́ству твою́, зовы́й:/ по́йте и превозно́сите Христа́ во ве́ки.

Царя Небésнаго умоли́ о нас, ча́дех твои́х,/ ра́достно пою́щих и превозно́сящих Егó во ве́ки.

Царю́ Небésному предстоя́, па́ству твою́ назира́й,/ пою́щую и превозно́сящую Христа́ во ве́ки.

Богорóдичен: Царя Небеснаго родила́ еси́, Дево,/ Егóже Ангели пою́т и превозно́сят во вся ве́ки.

## Ин

Ирмós: Находя́щая в пла́мени/ беззако́ннаго мучи́теля веле́нием о́троки подража́юще,/ немóлчными устна́ми/ в Вы́шних похва́льно возопи́м:/ Бла́же, преесте́ственно Сый Пресвяты́й,/ пою́щая Тя/ Свётом у́мным Твои́м озари́.

Небésною Богоприятны́я моли́твы цельбо́ю/ телесну́ю ва́рварския цари́цы слепоту́ преесте́ственно исцели́вый,/ Богому́дрый, душе́вных и телéсных недуѓ цели́телю,/ всеблаже́нне Алексіе, мо́лим тя:/ душе́вную исцели́ слепоту́ вредно́сных прегрешéний на́ших.

Церко́вная красото́,/ преосвяще́нная главо́,/ непоколе́бленный благоче́стия столпе́,/ Богозда́нный ве́ры степе́ню,/ неисчерпа́емая Божéственных чудéс пучи́но, всече́стне Алексіе,/ златото́чными твои́х мо́льб вода́ми вредно́сен погаси́ огонь печа́лей на́ших.

Пагубоносное грехопадéний ство́лие Божéственным любве́ Бóжия огнём Богоуго́дно соже́г/ и Богозда́нным ве́ры степе́нем/ к невесте́ственну огню́ преесте́ственну,/ в Живонача́льной Тро́ице Бо́гу, приступи́в благоговéйно, преподо́бне о́тче Алексіе,/ от геéнскаго огня́ изба́ви ду́ши чад твои́х, тя блажа́щих.

Богорóдичен: Присносу́щную Жизнь,/ воплоще́нное Сло́во Божие па́че сло́ва челове́ча и́стинно ро́ждшая,/ Всепéтая Богорóдице Де́во, мо́лим Тя:/ изба́ви ны, рабы́ Твоя́, от вéчных сме́рти.



## Песнь 9

Ирмос: *Воистиину Богородицу,/ Тя исповедуем,/ спасеннии Тобою,  
Дэво Чистая,/ с Безплотными лики Тя величающе.*

Воистинну свет миру явился еси, светящ добродетельми,/ и пастырь  
изряден твоего стада был еси,/ Христа величающа.

Воистинну вемы тя, отче, чудотворца велика,/ точаща многа чудеса  
верно к тебе приходящим/ и Христа величающим.

Воистинну светло память празднуют святителя Алексия/ архиереи, и  
священники, монаси и вси людие,/ Христа Бога величающе.

Богородичен: Воистинну Ты еси христианом спасение:/ Христа бо  
родила еси, спасающего ны,/ Деву Чисту Тя величающия.

### Ин

Ирмос: *В Тебе, Богородице, наше умаление преста,/ невидимое бо  
Слово/ во утробе Твоей приемшая,/ сугуба Того родила еси,/ Бога вкупе и  
Человека,/ на Негоже Херувими возрети не дерзают./ Темже Тя  
величаем, Пречистая.*

Благовидною архиерейских исправлений красотою/  
Богопоставленный престол твой Боголепно украсивый,  
первопрестольный иерарше, всечестне Алексие,/ моли сидящего на  
премирных престолах Бога/ удостоитися нам, ты блажащим, в Царствии  
Небесном предстати Божью престолу.

К чудотворным твоим мощем притекающе усердно,/ молим тя,  
чудоточный источнике, досточудне Алексие:/ Боготочною  
Божественных чудес твоих струею/ угаси раждеженое бед и печалей  
наших горнило.

С царствуемым миром православныя люди наша от всяких бед  
защити/ Богозданный православия щите/ и Церкви Русския  
первопрестольный иерарше, всеблаженне Алексие,/ в Боголепое церквей  
Божиих благостроение даждь свыше Небесную помощь.

Богородичен: Боговидцем Моисеем виденная в Синаи купино  
неопальная,/ огонь Божественный, воплощенное Слово Божие рождающая,

Всесвятáя Дéво,/ Небéсным любвé Бóжия огнём разжзй оледévшая  
сердцá нáша.

### **Светíлен:**

Благодáть Святáго Дúха, всéльшаяся в тя, святítеля тя показá,/ Христós же ти вручй пáству Свою пáствити на пáжитех духóвных,/ Егóже рáди потщáлся есй наставляти лю́ди,/ и ны́не на Небесéх, рáдуясь, живéши.

Слáва, и ны́не, Богорóдичен:

По Бóзе упováние имúще на Тя, Пречй́стая Богорóдице,/ мóлим Ти ся,/ ко йже из Тебé Рóждшемуся мольбáми/ невредíмы нас до концá сохрани́.

### **На хвалíteх стихйры на 4, глас 8.**

Что ты наречём, святítелю Алексíе?/ Звездú, озаря́ющу поднебéсная,/ мíра красовáние всечестнóе,/ сегó лучáми озаря́юща велéнии благовéрия/ и ёреси тьму отгоня́юща./ Моли́, преподóбне,/ от тли и бед избáвиться/ véрою творя́щим пáмять твою́.

Что ты наречём, преподóбне святítелю Алексíе?/ Рéку, излива́ющу исцелéния незавíстно/ всем, véрою приходя́щим,/ истóчник, источáющ учéний медотóчных,/ во вся концы́ простира́ют/ и вёрныя просвещáющ./ Моли́ся, преподóбне,/ спаст́ся душáм нáшим.

Что ты ны́не наречём,/ святítелю Алексíе,/ предíвный чудотворче?/ врачá разúмна и безмéдна,/ исцелева́юща всяку язю́ душéвную и телéсную,/ Безплóтным равночéстна./ Моли́ся, преподóбне,/ спаст́ся душáм нáшим.

Слáва, глас 6:

Человéче Бóжий и вёрный рáбе, слугó Госпóдень,/ мýжу желáний, сосúде избрáнный,/ стóлпе и утверждéние Цёркве,/ Цáрствия наслéднице,/ не премолчй́, вопия́ за ны ко Гóсподу.

И ны́не, Богорóдице, Ты есй лозá:

Славослóвие вели́кое и отпúст.

## На литургіи

Блажённы от канона, пёсни 3-я и 6-я. Прокімен, глас 7: Честна пред Гóсподем/ смерть преподобных Егó. Стих: Что воздам Гóсподеви о всех,/ яже воздаде ми? Апóстол ко Евреем, зачало 335. Аллилу́ия: Возва́ша пра́веднии: Стих: Мно́ги ско́рби пра́ведным: Ева́нгелие от Луки́, зачало 24. Прича́стен: В па́мять вѣчную бу́дет пра́ведник:

### Молитва святителю Алексию, митрополиту Московскому

О, священнейший óтче, святíteлю Христóв Алексіе, па́стырю и учíteлю наш, не отрёни нас, с вѣрою притека́ющих к твоёму заступлѣнию, но ско́ро потщѣся помолѣтися Царю́ ца́рствующим и Гóсподу госпóдствующим, да изба́вит ста́до Своё от волко́в, губящих ё, и всяку страну́ христиа́нскую оградѣ и сохрани́ святы́ми тво́ими моли́твами от мирска́го мяте́жа и тру́са, нашествія иноплеме́нник и междоусóбныя бра́ни, от гла́да же и губѣтельница, пото́па, и мечá, и огня́, и напрáсныя смёрти, и я́коже исцелѣнием от слепоты́ царѣцы агáрянския спасл есѣ́ отѣчество твоё, та́ко помѣлуй и нас, умóм, слóвом и дѣлом во тьме грехóвней сущих, и изба́ви нас гнѣва Бóжия и вѣчныя ка́зни, я́ко да тво́им ходáтайством и по́мощию, Сво́им же милосѣрдием и благода́тию, Христóс Бог тѣхое и безгрѣшное жити́е даст нам пожити в вѣце сем и на Стра́шнем суди́ще Своём сподóбит десна́го стоя́ния со всѣми святы́ми. Ами́нь.